



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1644. usque ad annum 1651

**Fleury, Claude**

**August. Vind. [u.a.], 1779**

**VD18 90119177**

§. 41. Libertatis oblatæ conditiones ab Archiepiscopo Trevirensi promissæ.

---

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

tavit, eoquod, inquiebat Pontifex, *neque Sæc. XVII.*  
*coram Nobis, neque coram Te contra ipsum A. C. 1644.*  
*Philippum Christophorum Trevirensium Ar-*  
*chiepiscopum & Electorem quicquam dedu-*  
*ctum & probatum sit, propter quod ille*  
*juxta Canonicas sanctiones retineri & cu-*  
*stodiri debeat. Igitur petente Papa, &*  
*instantibus Gallis Suecisque Imperator,*  
*Electores ceteris, iplisque Cæsaris*  
*Legatis id ignorantibus nec præmoni-*  
*tis, hunc Archiepiscopum die decima*  
*Aprilis a sua custodia, in qua decem*  
*annis detinebatur, Vienna liberum*  
*dimisit.*

§. XLI.

*Libertatis oblatae conditiones ab Ar-*  
*chiepiscopo Trevirensi promissæ.*

Priusquam vero hic idem Archiepi- *Massen. An-*  
 scopus atque Elector libertatem *nal. Trevir.*  
 consequeretur, cum Ferdinando Cæ- *l. 25. p. 533.*  
 sare arctioribus pacis conditionibus  
 transigebat, hac de re die duodecima  
 Aprilis edito hoc Cæsareo diplomate:  
*Ferdinandus III. Neo - Electus Rom.*  
*Imperator &c. Postquam Reverendissi-*  
*mus &c. Philippus Christophorus Elector*  
*Trevirensis conclusa pacis Pragensis in om-*  
*nibus punctis, clausulis & articulis denuo*  
*pure acceptavit, Nobisque sub fide digni-*  
*tatis & verbi sui Electoralis, juxta Re-*  
*cessum*



Sæc. XVII. cessum desuper erectum & sigillatum ad  
 A. C. 1644. dixit, & promisit, quod in electionem no-  
 stram Cæsaream, & quidquid illarum ra-  
 tione Anno 1636. aliasque hucusque a re-  
 liquis Dilectionis suæ Coelectoribus, colle-  
 gialiter conclusum est, sine ulla disputa-  
 tione consentiat, eique plene acquiescat,  
 & ea omnino sequi velit; Castrum quo-  
 que Ehrenbreitstein, pro nostro libitu &  
 beneplacito necessario præsidio providen-  
 dum, ad plenam usque compositionem belli  
 Germanici, in nostris manibus relinquere;  
 Philippiburgum vero modis omnibus e po-  
 testate Gallorum eruere, atque pro nostra  
 & Imperii utilitate & servitio ipse cu-  
 stodire, contra Coelectores suos aliosque  
 Principes & Status Imperii, eorumque  
 confæderatos, sicut & Capitulares suos  
 Trevirenses & Spirenses, & utriusque  
 patriæ Status, Officiales, Consiliarios,  
 subditos & ministros, neque etiam in ut-  
 roque Archi- & Episcopatu Trevirensi &  
 Spirensi, hujusque constitutos administra-  
 tores, neque contra quemquam alium, cu-  
 juscunque ille demum summi & infimi gra-  
 dus sit, ratione eorum, quæ hucusque  
 contra suam dilectionem ejusque adhaeren-  
 tes acta sunt, aut gestæ in ejus absentia  
 administrationis, & regiminis ergo, quo-  
 quo modo vindicare, aut de eis sinistre  
 ulterius cogitare; sed illa omnia cum  
 omni causa, omnibusque inde secutis per-  
 petua



Sæc. XVII.  
A. C. 1644.

petua oblivione sopire, atque ita omni-  
modo servare velit, prout in pace Pra-  
genſi, in puncto amniſtiæ ſancitum atque  
conventum eſt. Præſertim autem contra  
Præpoſitum ſuum Trevirenſem Joannem  
Wilhelmum Huſman a Namedii, ejusque  
nepotes, ſicut & fratres Barones de Met-  
ternich, eorumque adhærentes, aliosque  
quoscumque, ipſius Archi & Diœceſis con-  
ſæderatos, & ſubditos, conceptam diſ-  
gratiam, averſionem & proceſſus plane de-  
ponere, illosque omnes in priori ſuo ſtatu  
integre & ſine impedimento quiete perma-  
nere & ſinere velit. Sic Nos ipſius D.  
Archiepiſcopi Trevirenſis Dilectionem, his  
ſub conditionibus, ad pacis Pragenſis con-  
cluſa, adinſtar aliorum Electorum, Prin-  
cipum & Statuum Imperii, ex gratia  
Cæſarea admiſimus & ſuſcepimus, ipſique  
clementer promiſimus, prout facimus vir-  
tute præſentium, ſub fide Cæſareæ noſtræ  
dignitatis & verbi, quod Nos Dilectio-  
nem ſuam illis omnibus quiete frui, ipſam-  
que ad præſentem Imperii deputationem  
Francofurti, atque in ipſa pro parte no-  
ſtra, ad ſeſſionem & votum, in Electo-  
rum & Principum conſiliis, ratione  
Archi- & diœceſium ejus libere & ſine  
impedimento admittemus. Similiter ad de-  
centem ejus inſtantiam eum de regalibus  
& ſæcularibus, prout moris eſt, clementer  
inveſtiemus, ipſiusque Archi- & Diœceſi  
privi-



Sæc. XVII. privilegia, prout juris & moris consir-  
 A. C. 1644. mabimus, in eisque clementer defendemus,  
 & manu tenebimus, curabimusque, ut in  
 civitate Trevirensi, Confluentia & Ha-  
 mersteinexistencia præsidia, quam primum  
 necessitas & imminens inimicorum pericu-  
 lum cessaverint, neque de eo quicquam am-  
 plius metuetur, educantur, suaque Dile-  
 ctio, ejusque ditioes & subditi ab eis  
 ulterius non graventur, neque impetantur:  
 neque pro parte nostra contra suam Dile-  
 ctionem, eique adhærentes, ratione eorum,  
 quæ inter Dilectum Parentem nostrum &  
 Dominum nostrum quondam Ferdinandum  
 II. Imperatorem in Deo beate quiescentem,  
 ipsiusque Electoris Dilectionem non satis a-  
 mice forsan contigerunt, sinistre quicquam  
 recordabimur: sed omnia relinquemus, pro-  
 ut pax Pragensis in puncto Amnistia  
 sancivit, in eoque erga suam Dilectionem  
 ejusque adhærentes, sicut cum aliis fidelibus  
 Electoribus, Principibus & Statibus ob-  
 servabimus; simulque clementer curabimus,  
 ut Dilectio sua cum omnibus suis Officiali-  
 bus, Consiliariis & Ministris, hinc Ratis-  
 bonam, & inde ad suas Archi- & dia-  
 cesin secure perveniat.

His utrinque firmatis Cæsar die  
 vigesima quinta Aprilis Archiepiscopo  
 Regalia solemnè pompa contulit, eum-  
 que amplis muneribus auctum navi &  
 commeatu liberaliter indulto, datoque  
 in



in honorarium itineris socium Barone de Bech, Francofurtum deduci iussit, inde Archiepiscopus post bimestrem moram die prima Septembris Confluentiam rediit, summo ubique honore exceptus.

æc. XVII.  
A. C. 1645.

§. XLII.

*Pacis conditiones a Gallis Suecisque consignatæ Cæsareis Oratoribus.*

Interim vero Bavarici, Moguntini, & Brandenburgici Oratores Monasterium advenerant, quos Henricus Aurelianus Dux Longævillanus Gallicæ Legionis Princeps, ac demum Hispani Oratores Penneranda Comes & Zapata Comes necnon Didacus Savedra sequebantur. Adhucdum Galli cum Cæsareis Oratoribus Monasterii circa varia postulata litigabant, id ægerrime ferentibus Catholicis Electorum Legatis, qui Gallis exprobabant, quod contemptis Mediatorum monitis hucusque de pacis componendæ mediis ne verbum quidem proposuissent, ac nonnisi jactato Regis ac Reginæ suæ animo ad pacem propensissimo, re ipsa mentem a pace oppido alienam ostendissent, & nullatenus, prout tamen Christianissimos & Catholicos decuisset, Germaniæ, totiusque Reipublicæ Christianæ

Adami l. 6.  
Bougeant  
l. c. p. 284.  
Vist. Siri  
Merc. l. 2.  
Barre Hist.  
d'Allem.  
t. 9. p. 79r.

Hist. Eccles. Tom. LXI. H for-